

重修盤屋縣志

重修藍屋縣志序

天下事不遇其時固無所用其力遇其時矣猶復因循游移無

急起直追之力以赴之恐稍縱卽逝而事卒難成

文中學識

陋賦性質直對於事所當爲者輒力任之而不辭其難歲壬戌

省長劉公以岐山克復伊始令

文中

權攝邑篆閱舊志修於清

乾隆之季時 劉公將修省志飭訪故實予卽欲乘勢續修被

節文具奈兵燹之餘瘡痍滿目撫字休養急務爲多同有志焉

而未逮旋於癸亥秋調署藍屋下車後舉凡實業教育城防鄉

團諸急務靡不孤心詣力積極整理追措施稍裕見夫藍志亦

於乾隆時修自楊令儀後迄今已一百四十年餘無復繼者噫

藍屋縣志

序

一 西安藝林印書社代印

陝之郡縣志胡多年久失修耶况夫朝代已更滄桑屢變其間
人文事故忠孝節義可傳可法可歌可泣有關於風俗教化之
轉移國計民生之利病世道邳治之隆污者雖更僕數倘無人
焉賡續誌之勒爲成書曷由昭示來許將以證今而憲古耶遂
擬與縉紳儒林僉謀興修以竟吾志適邑紳路禾父王龍如王
玉如趙仙槎諸君以縣中掌故經同人徵輯已具草案願董其
成相請予深嘉其先得我心也於是請之

上憲籌款纂修細閱舊志見其體例義意之繁簡與夫近代事
蹟之沿革枘鑿尤多宜損宜益極須彙訂以新稿由王君龍如
草創仍屬渠及王玉如趙培之相與考訂而編輯之其校勘再

三預防疏漏訛舛者則託任清軒宮離軒賈蓉波惠壽山諸君
脫稿後予取而閱之甚嘉諸君用心勤苦成此鉅編然屬辭比
事究不敢遽謂足以信今傳後也吾友高君蔭午學問淵博有
著述才時從戎於二曲請其纂訂方點竄改易間而東北戰起
軍書旁午高君將遠赴戎役事幾中輟予馳青門再請公餘秉
筆勿棄前勞復乃繼續進行刪繁正譌釐案補缺又三閱月而
告成高君已以軍事出關矣益信夫一事之舉苟非出其銳志
毅力以眦勉堅持於最後成亦難矣雖然予猶有感焉昔徐健
菴先生受命修一統志編閱天下邑乘獨以崔後渠彰德府志
康對山武功縣志爲盡善蓋志者史體之一也非訓詞爾雅文
整屋縣志

序

二

西安藝林印書社代印

簡事核不足成爲一代之掌故是志修於百餘年後網羅舊聞
固鮮完備又值地方多故採輯緝纂不無草草何敢謂付諸剞
劂而無毫髮憾然卽遺聞軼事及時粗述尙可於力所能爲者
備徵文獻於弗墜至補苴罅漏訂正謬誤則猶俟乎後之君子
中華民國乙丑歲夏歷二月署理整屋縣知事嵩縣龐文中撰

重修藍屋縣志序

古者王朝列國皆有史自後世易封建爲郡縣而志於焉以興夫志者記也非徒記其時與事也舉凡人物典章風俗政教亦莫不於是乎具此縣志之所關爲綦重也民國初 孝倫 歸自蘇浦披閱吾縣舊志創自有明隆萬年邑賢王兩曲先生手成之嗣修者爲前清駱章董鄒楊諸賢宰今去楊公時又一百四十年矣其間生齒之蕃衍建置之沿革人文風教之異宜河流水利之變遷亟待增益者當不自今日始也矧民國肇造政體維新一切修舉廢墜因革損益皆有關於國計民生又烏可略而弗紀此縣志續修一事尤爲不容已也惟年來軍務倥傯水旱頻仍捐支徵調歲無甯日雖有續貂之心慮非誌述之時適邑拔萃明經王君龍如來省談及縣志失修遂謂其師孝廉宮伯明先生曾邀同志私採土風輯有成帙未完竣而逝世無力繼成良深悼惜予聞之喜曰往者邑城迭陷卷案失存踵成志書恐難着手今得此稿本獲益良多庚申夏商諸合邑人士幸得一致贊成續修或者文獻之靈有以默牖歟不意採訪甫竟陝省易督問題起倏爾擱置延至癸亥孟冬始克從事編輯歲事後復經邑宰修飾又六閱月而告竣此皆任清軒宮離軒賈蓉波惠壽山王龍如王玉如趙培之趙仙槎及邑中諸君子熱心毅力之所致也愉何幸得叨末光觀此盛舉今將以付鉛印竊

有感焉後世郡邑志特史之一體耳而史裁悉具焉志豈易言
乎哉故予終不敢謂是編之爲成書也修正考訂更有望於後
之君子

中華民國十四年歲次乙丑孟夏月二曲路孝愉禾父氏謹序

舊序

余於乾隆辛丑秋承乏盩邑越明年會有差調去繼任者爲莊君李君時邑人士以重輯志乘請事上大府報可屬鎮洋王先生秉筆焉王固領邑講席有年於此地之疆理山川土田民物官師典故宜其析焉精辨焉詳也乙巳夏開纂余適還莅相與商確訂正至秋仲歲事得書十四卷夫修志之役動稱因舊者易爲力每有據成書略點染竄易沿訛襲僞依樣葫蘆及稍稍綴入近事規撫舊文增展卷帙便稱新本殊不免荒陋之謂至一二淹通之士又欲變換前人務標奇立異相矜詡瑕疵動摘壁壘競新而於簡明覈要之體裁究未恰合是均失也昔趙子

函跋武功志云今人志與古人異博雅不足其弊俚褻貶無當其弊妄則續修之難更有難於創也審矣舊志成自明嘉靖年至本朝康熙雍正間駱章董三君子嗣修乾隆己巳泊陽鄒君復加增葺較前事倍文詳然卷中百年來蕪詞膺蹟踈斲日甚矧今去鄒君時又三十年其間水利之通塞物產之登耗賦役之去存以及職官選舉人物類需增益別僞存真因創兼有尤不容不慎厥事也書成例上各憲鑒定值屢更調不果余又得從容覆核之遲四月始付鈐仰惟聖天子重熙累洽文治日光各省郡邑志漸臻美備余不敏躬與修明亦惟是不敢假易之心藉手上報以備採風者設教觀民之一助是余之厚幸也夫

乾隆五十年歲在乙巳嘉平月知縣新城楊儀翊亭氏謹序

周官方相氏掌境內輿圖之事卽後世志之所由作漢龍門扶風諸家乃志之鼻祖也蓋署自漢迄唐皆爲園囿地故無志宋以後宜有志而亦弗傳不解也今志創自明邑人王兩曲至本朝駱章二公續修之予於丙寅冬承乏茲邑於山川見終南渭河之大於城邑見恆州宜壽之古於政治見白蘇二公之清風於人物見趙王諸公之亮節且於文見曼倩長卿之樸茂於詩見香山東坡之風流至若穆王乘駿樂奏玄池武帝射熊樹成五柞他如草樓牛柏黑水龍潭地以人傳皆歷歷可數竊自以爲志之所載必詳盡靡有缺遺堪佐考訂者之一助不期於繙

盤屋縣志

序

二

西安藝林印書社代印

閱之下見記載者僅十之半而遺逸者亦不啻十之半不禁掩卷而太息者久之夫盤邑固周秦漢唐之名區也人物事蹟文章散見於史籍及他說者往往如美玉精金光彩不可掩沒而舊志皆逸而弗載幽光潛德之謂何豈所以光邑乘輝梓里哉因不敢自諉將一切邑事之有見諸卷帙者悉爲收羅補入共分前後十五卷自捐廉俸付諸剞劂氏然以見聞孤寡搜輯亦多遺亡如山川之變遷建置之沿革仍未能指陳明悉考據精詳人情風土之故紀載仍未能周全善政流風之指考訂仍未能確實田賦典章仍未能顯如沙畫泥印科名人物仍未能明如陳璧數珠而且登臨游泳諸勝仍未能使泉石俱芳兵戎水

早諸條仍未能使官民交警至於名篇佳咏散失者常多逸事遺編收羅者甚少費十旬之功力仍復草草成編且以頻年奔走風塵筆花塵濁不特不敢與龍門扶風諸家爭史筆之勝且未知兩曲以下諸公相視爲何如也惟以職之所掌不敢任其缺如故直書所見以就正於當代賢哲云爾

乾隆十四年歲次己巳仲冬下浣文林郎陝西西安府藍屋縣知縣紀錄四次隨帶軍功一級洎陽鄒儒歸峯氏撰

縣志成於康熙甲辰至今辛酉曾不及二十年似乎可以無修而余之所以修之者則以其分合之有未盡協也序次之有所不倫也收錄之有所太濫也如河渠水利宜附於山川之後不

藍屋縣志

序

三

西安縣林印書社代印

當重序各谷之源流乃舊志於賦役之末一一再列之是一事而兩見矣以至循良本名宦之異稱經師卽教職之賢者此皆分之不必分者也如唐之縣尉則今之典史而乃入之縣令之中此爲合之不可合者也如節烈婦女未嘗依其世代是爲序次之不倫詩文雜著未免率意徇情是爲收錄之太濫至其十篇之內魯魚亥豕燕說郢書又不可勝計皆其所不得不爲訂正者也若夫甲辰以前有人與事之未載者是所當補甲辰以後有人與事之當列者是所宜增及今不卽爲修明向後恐漸成湮沒惟是從來纂修舊例類皆徵聘名流委任紳士事同築舍義等輿瓢去取百端雌黃萬狀因而毀譽出其唇吻高下在

其毫端所親厚者必曲騰冉閔之稱所仇疾者遂巧織萋菲之
錦更有啖金諛墓附熱收容賢良孝友久成酬賂之私節義文
章大半約交之具魏收穢史滔滔者天下同流董狐直筆凜凜
者千秋難再豈惟一邑之簡書如是實恐累朝之信史亦然念
此頽風安知紀極余是以痛懲斯弊不欲假手一人雖廣諮詢
咸歸獨斷凡夫修廢舉墜必核其真興利除弊務書其實鄉賢
名宦矢不輕加匹夫寒士力爲蒐探死節義者雖微必錄正以
道德可假而性命則真享耄年者雖善不書爲其一息尙存而
全歸未定獎勵尤先於閭閻闡揚不靳於人奴文以紀事苟有
關於境內者不以多列爲嫌詩以採風惟邑人所著作者始爲
整屋縣志

序

四

西安藝林印書社代印

稍寬其額總之衡人品則寧嚴而無濫採詞章則寧少而無多
間有感於胸懷必發舒其議論雖規模次第本無大異於前人
而意見指歸惟欲折衷其至是至於知我罪我則聽之後人而
已其役也始於中元竣於重九蓋得之簿書之隙退食之餘無
假深思徒知一往筆墨疎拙詞意支離甯辭寡昧之譏但不敢
蹈模稜之轍爾

康熙二十年歲次辛酉重九日文林郎知整屋縣事加六級會
稽章泰來之氏識

嘗讀漢書而知西京山川風物之美輒神往焉以爲是文武式
化之基也已亥春奉命分符整邑甫蒞事卽取邑乘以考風俗

稽文物審民情而檢閱舊志乃故明蕭廟時兩曲王先生所作
去華斥浮崇尚古朴然未免失之太簡至隆萬以降迄我朝鼎
定以來百餘年間興廢損益之事湮沒無徵不禁置書興嘆慨
然有踵事之思然而難言之蓋數年以來水旱頻仍閭井蕭條
而軍興孔亟上有難緩之征下多宿逋之課則催科爲難考成
嚴切吏懷痼瘕之隱國無可捐之賦則撫字爲難鴻雁興歌而
墊多曠土則難在招致安宅甫集而家無擔儲則難在拊循且
也岩險有分防之卒瀕河有牧馬之師兵民雜處則調劑之爲
難至聽無情之訟修累廢之工則鉤距整頓之亦難積此數難
譴劣如麟任過不遑何暇從事文墨附著作之林乎雖然邑有

志猶國有史上臺屢檄徵之業已殘闕而不亟爲修明其何以
昭宣往昔開示來茲乎茂陵徐令開熙爲浙四名宿謝事之餘
欲探紫雲玉女之勝空谷足音寔然及我請益之餘因以志事
相托徐令任之不辭而邑中碩學數人相與朝夕共襄厥事於
是詳稽往籍博採羣言麟亦不辭鄙陋簿書之暇時詣商訂辨
訛存實彙次而新之凡有係於邑者罔不取列焉夫古今時勢
不同事宜各異故畫分野原山川奠城社述災祥使後世有所
考核定賦稅稽丁復著防禦記興作使後世有所率循敘官師
表名宦崇先達使後人知所觀感錄醇修闡幽芳載藝文使後
人知所興起神而明之固有望於上臺之釐正與後之君子聿

加詳核云爾書成凡十卷事肇於夏六月而竣於冬十月同事者爲趙子顓俊楊子實儒王子藻焦子濃劉子運昌趙子始復袁子凌鳳蔡子國藩史子垂憲劉子唐皆士林僑胥也康熙三十年十月望日臨安駱鍾麟謹識

孟子曰諸侯之寶三土地人民政事夫縣古侯國也諸事物無出乎此故縣志以此爲綱其目有山川因地體而建縣城池古蹟公署祠祀寺觀雖人謀亦皆地載者故綱以土地官師有位之人民之師帥也人才固編民中出也故綱以人民田賦政之大者物產屯田水利橋梁風俗非政不能以裁成故綱以政事凡綱三目一十有五志舊載者雖廢悉錄而今所續者皆徵諸藍屋縣志

序

六

西安藝林印書社代印

古碑往籍故老相傳雖同辭亦不敢指實舉以疑著自愧煩陋以始述不敢晦略俟後作者可參考焉

明嘉靖四十二年六月邑人王三聘職

重修盤屋縣志目錄

卷一

地理

縣境圖 縣治圖 沿革 疆域 山谷 河流
渠 堰 古蹟 陵墓 鄉閭

卷二

建置

城池 官署 倉儲 學校 市集 交通
關梁 營汛 祠祀

卷三

田賦

戶口 里甲 土田 額徵 外賦 縣地方款
物產

卷四

教育

舊學制 新學制 實業教育 通俗教育 學款
風俗

卷五

盤屋縣志

目錄

西安藝林印書社代印

官師

文職 武職

卷六

人物

列傳 儒林 孝友 義行 武勇 耆壽
列女

卷七

選舉

科貢 監生 議員 學校得業士
封贈 掾吏

卷八

雜記

紀兵 祥異 方外 方技
拾遺

凡例

一舊志列綱共十有四今依孫西峯志法括爲八而細目倍增緣屬辭比事務期簡要非有意標異

一舊志古蹟爲一卷列諸建置篇後鄉閭竟付闕如今括古蹟於地理擇其序次錯淆者改之並增鄉閭於後以期完備

一祠祀另列名志間亦有之惟與建置分篇紀載難免復沓今括志於建置從簡也

一改賦役爲田賦改職官爲官師欲人顧名思義也惟自乾隆至今兵燹屢興檔案遺失所謂官師者多得之傳聞姑臚列之留俟考正

盤屋縣志

凡例

西安藝林印書社代印

一增進國民智識端賴教育今新增教育俾特注意至實業風俗尤爲教育中要務附見於後

一舊志人物分名臣才能循良文苑位置未易妥協茲依西安府志於名世略敘朝代概稱列傳至方外與方技事多不經人非邑產舊志列於人物似有不合茲移列於雜記餘仍舊一舊志選舉分進士舉人一篇中一名再書未免重出茲依孫西峯志法其捷南宮者於舉人下分註某科進士以免重疊亦與貢生分註歸于一律

一藝文附見於山川古蹟中舊志亦時見之但仍列有藝文志今依孫西峯志法凡古今詠懷記事詩文可傳者卽隨所在

分錄於下不別爲藝文志

一舊志紀兵祥異各列一卷而終以拾遺今依孫酉峯鄠縣志概括以雜記惟不雅馴者弗錄

一舊志修止乾隆乙巳迄今百有餘年其間治城疊陷檔案失存斯志之輯恐多傳訛挂漏惟凡採訪所及俱必一一照載一本縣志書歷久失修若不及時採輯深恐將來賡續搜羅爲難故斯舉也謂之志稿則可謂之成書斷乎不敢

藍屋縣志重修姓氏

重修

六等文虎章 鎮嵩軍第一師參議署理藍屋縣知事嵩縣龐文中

參閱

簡任職存記升用六等嘉禾章調署藍屋縣知事路世楸

編輯

清賜進士出身內閣中書實任 邑人 任肇新

甘肅循化廳在任候補知府 邑人 路孝愉

清宣統己酉科拔貢 邑人 王驥

清吏部議分陝西第三屆府經歷 邑人 王煥璋

藍屋縣志

西安藝林印書社代印

清吏部議分甘肅府經歷 邑人 趙基

清增廣生員 邑人 賈鏡堂

清宣統己酉科拔貢 邑人 宮映午

清廩膳生員 邑人 惠令德

協修

日本明治大學法學士 邑人 趙步瀛

清王寅補行庚子科舉 邑人 鞏伯奇

清吏部議分陝西第二屆府經歷 邑人 楊日新

陝西省立法政專門學校畢業財政部財政講習 邑人 東青主

陝西高等學堂畢業 邑人 張錫甲

日本明治大學法學士邑人李來薰
北京高等師範學校畢業邑人賀維新
保定軍官學校畢業邑人張兩銘
日本法政大學畢業邑人張希關
縣議會議長邑人張桐崗
教育局局長邑人白預修
財政局正紳邑人廉士修
與修

南京民國監獄學校及陝西法政專門學校畢業
司法部一等銀質獎章陝西高等檢察廳書記官
陝西省立法政專門學校畢業
第一監獄第二科科長邑人紀存禮
王希賢

整屋縣志

二 西安藝林印書社代印

陝西省長公署第一科科員邑人路孝誠
縣議會議副議長邑人舒邦佐
里民局局長邑人張濟美
財政局副紳邑人何憲文
勸業場所所長邑人任建勳
採訪

廩生孫祖武 生員李夢花 廩生朱耀邦 歲貢呂光裕
恩貢周瑞麟 廩生賈濟川 廩生宋廷鑾 廩貢王淩漢
廩貢高淩霄 歲貢金宗兌 廩生牛裕乾 廩生鞏瑰奇
生員安光前 生員段振遠 生員孫炳煥 生員王居坎

生員韓鴻晉 生員張自持 生員雷海修 生員李廷幹

生員朱來紱 生員張尊五 生員趙光泰 生員邵樹棠

生員武建邦 生員辛兆乙 生員周樹德 生員李樹勳

生員梁倬 增生嚴克恭 生員王廷楨 生員葉逢春

生員楊兆璘 生員李長庚 生員謝恆 生員楊鑒安

生員張衛 生員李煥章 生員徐盈科 生員李蔭堂

生員呂申 生員何騰漢 生員劉秉全 生員賈錫堂

生員薛培辰 生員侯克精 中學畢業 袁鴻藻 師範畢業 舒邦佐

師範畢業 許宗岳 甲農畢業 趙步雲 高小畢業 王經邦 高小畢業 任茹強

高小畢業 蕭書翰 高小畢業 張致遠 高小畢業 廉士修 高小畢業 袁國綱

高小畢業 李緒澄 高小畢業 邵育堂 高小畢業 趙良翰 高小畢業 王毓秀

高小畢業 宮葆暢 高小畢業 杜紹棠 高小畢業 張振綱 高小畢業 李鴻藻

高小畢業 任憲章 高小畢業 張憲 高小畢業 魏效徵 高小畢業 蔡雲

畢業 任憲章 畢業 張憲 畢業 魏效徵 畢業 蔡雲

監生安仲元 張養性 監生辛秉金

整屋縣志 三 西安藝林印書社代印